



## **SU SECUESTRU DE UNU PITZINNU” de LUCA LOCCI**

Sàpadu 28 de su mese de Ghennarzu de su 2023 a sas ses de sero (h.18.00) in sa Pinacoteca Tzitadina “G. Altana”, s'Istituzione de Santu Micheli (San Michele) e s'Assessoradu a sa Cultura de su Comune de Otieri organizant sa presentatzione de su lìberu autobiogràficu “Su secuestro de unu pitzinnu” de Luca Locci.

Su giornalista Frantziscu Squintu at a arrejonare cun s'autore, e sa Cumpannia de Sas Fèminas ant a lèghere carchi pàgina de su lìberu. In su lìberu si contat de cussa die de Lampadas de su 1978, cando Luca jogat in sa carrera cuntentu e chena pensamentos. Si nche lu leant in un'iscuta, e at a torrare a domo a pustis de prus de tres meses de presonia e cun una pitzinnia oramai pèrdida.

Luca Locci contat s'istòria de cando che l'ant leadu cando aiat solu sete annos. Est abarradu in sas manos de sos bandidos prus de tres meses e, l'ant liberadu solu cando ant pagadu su riscatu, torrat a domo sua ma cun sa pitzinnia sinnada chena rimèdiu dae cussu tràgicu avvenimentu. In su lìberu Luca torrat a contare totu s'istòria chena ismentigare perunu particolare, e torrat a abèrrere cun fortza e violèntzia una pàgina niedda de sa Sardigna chi at fatu vùtimas, dannos e drammas a sas pessones e a su cunsideru intreu de unu pòpulu.